

Clara (hærede altera Gilberti *Clare* fratris sui) qui a suis interfectus Elizabetham unicam filiolum reliquit, quæ Leonello Clarentiæ Duci enupta. Per hujus vero unicam filiam ad Mortuomarios, & ab illis rursum per filiam ad Richardum Ducem Eboracensem Vtoniæ titulus est devolutus, cujus filius Edwardus 1111. Rex Angliæ sacro patrimonio sive Domanio, ut vocant, regio adjunxit. Quo tempore cum Anglia in partes discederet, intestino exardescente bello, & Angli qui hic meruerunt, Vtoniæ relicta, domum profecti partes sequerentur, O--Neale, & alii Hibernicæ originis in has regiones involarunt, & ita barbarie efferarunt, ut nihil supra Dividitur in Citeriorem & Vltiorem. Citerior tres habet Comitatus, *Louth*, *Down*, & *Antrim*: Vltior septem, *Monahon*, *Tiroen*, *Armack*, *Colrane*, *Donergall*, *Fermanagh*, & *Cavon*. Ptolemæi vero ætate hanc universam incoluerunt *Voluntij*, *Darni*, *Robogdy*, & *Erdini*. *Voluntij*, unde *Guly*, & *Vlster* forsitan profluxerunt, tenuerunt tres Comitatus *Down*, *Antrim*, & *Louth*, qui & *Iriel* dicitur, cujus Comitem primum Ioannem *Brimicham* creavit Rex Edwardus secundus, quod iusto prælio Edwardum Brusium Scotum, qui se Hiberniæ Regem declaraverat, ad *Dundalk* opidum maritimum profligavit, & occidit. Regiones etiam adjunctas infederunt, quarum nomina Latino sermone eloqui vix datur, *Tiroen* scilicet, quam nonnulli *Eugenij terram* latine interpretantur, *Bremy*, *Jueagh*, *Mourne*, & regiones illas quas Anglica *Fitz-Visorum* familia occupat, qui nunc degeneres eodem sensu *Mac Mahon*, i. *Ursi filij* appellantur, cum *Kilwarny*, & *Kilulto* silvis densissimis, & *Cherlonefis* duabus *Lecale* & *Arde*. Nihil in his memoratu dignum occurrit nisi Hibernicos Regulos commemorare velim. Melioris notæ inter urbes solummodo *Armach* sedes Archiepiscopi & totius Hiberniæ Metropolis, ab *Armacha* Regina sic dictam fabulantur Hibernici: sed *Camdeno* eadem esse videtur, quam *De-armach* vocat *Beda*: & *Ruborum* *Campum*, ex lingua Scotica sive Hibernica interpretatur. Regio multis & immensis Lacubus interfusa, inter quos *Lacus Eaugh* qui statim ab *Armach*, late diffunditur: & ad Orientem solem *Kilulto*, *Kilwarney*, & *Dyffrin* silvæ impeditiores usque ad sinum illum pertingunt, qui angusto meatu admissus ita se insinuat, & variis recessibus terram excavat, ut duas faciat *Cherlonefos*, *Lecale* ad Meridiem, & *Arde* ad Aquilonem. *Lecale* totius Hiberniæ longissime in Ortum prominet, extremumque ejus Promontorium, quod nunc navis *S. Iohannis Foreland*, Ptolemæo *Isanium* vocatur, forsitan a Britannico *Isa*, quod infimum sonat. In ipsius Isthmo *Dunum* floruit, cujus meminit etiam sed non suo loco Ptolemæus, nunc *Down* vetusta sane memoriæ opidum, sedes Episcopalis. *Arde* è regione jacet tenui alveo divisa, quam Savagi Anglica familia jam degener olim occupavit, & in quam Thomas Smith Eques Auratus, & Regiæ a secretis præclaro ausu, sed infesto fato Coloniam non ita pridem duxit: filium enim naturalem, quem præfecerat ex insidiis interceptum canibus objecerunt Hibernici, cujus immanitatis pœnas perditissimi illi rebelles postea gravissimas perfolverunt, interfecti, & Lupis in prædam dati. Sunt & alii Lacus, de quibus in generali descriptione mentio a nobis facta est. Inter fluvios primum *Vinderius* fluvius occurrit, qui nunc *The Bay of Knockfergus*, ab imposito opido munito & portu tuto, quem Angli *Knockfergus*, Hibernici *Caregfergus* vocant, id est *Fergusii* scopulus, quod nomen a *Fergusio* ibi submerso invenit. Deinde *Banna* eximia, ut inquit Giralduus, pulchritudinis fluvius, quod nomen testatur,